

Monday, July 28, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

SEOC REPORT

Mizoram chhunga district hrang hrang thuneituten State Emergency Operation Center an hriattir danin, kumin chhungin ruahsur nasa avanga inchhia leh in chim 283 a awm a,in rauhsan 345-a awm bawk.

Mizoram chhunga ruahsur nasa avanga in chhia leh in chim hi Serchhip district-ah tam berin 102 a awm a, Serchhip district-ah hian in ruahsan 125 a awm bawk. Aizawl district ah pawh in chhia leh in chim hi 20 awmin in rauhsan zat pawh 119 a tling a ni. Champhai district ah in chhia leh in chim 41 a awm a, Lunglei district-ah 26, Siaha district-ah 30, Kolasib district-ah 24,Lawngtlai district-ah 7, Mamit district-ah 6, Saitual district-ah 9, Khawzawl district-ah 10 a awm bakah Hnahthial district-ah 8 a awm bawk.

VoiceCast

State Emergency Operation Center-in a tarlan danin district hrang hranga in rausan zat hi Lunglei district-ah 37, Siaha district-ah 26, Champhai District-ah 5, Kolasib district-ah 6, Mamit district-ah 1, Saitual district-ah 3, Khawzawl district-ah 14 leh Hnahthial district-ah 9f a awm a ni. Kumin ruahsur nasa avang hian Mizoram chhungah lei tlahniam hmun 12-ah a awm a, mi parukin nunna an chan tawh bawk.



TOURISM AWARD

Mizoram Tourism Department chuan ram leilung humhalh leh khualzinte hipna kawnga a thawh that avangin ‘Emerging Eco & Nature Retreat Award’ a dawng.

Nimin khan International Tourism Conclave & Travel Awards vawi 10-na chu Le Meridien, New Delhi-ah Mizoram chu ‘Emerging Eco & Nature Retreat Award’ chawimawina hlan a ni a, Mizoram aiawhin Tourism Department Director Pi R. Lalrodingi’n lawmman hi a dawng a ni.

Emerging Eco & Nature Retreat Award hi ram leilung humhalh leh khualzinte hipna kawnga thawk tha leh ram thang duangte hnenah hlan thin a ni a. Mizoram chu sustainable & eco-tourism lama a thawh that avangin award hi hlan a ni.



WORLD HEPATITIS DAY

World Hepatitis Day pualin vawiin khan Civil Hospital Aizawlah hun hman a ni.

World Hepatitis Day hi Civil Hospital Aizawla Medicine OPD kawtah hman a ni a, National Virus Hepatitis Control Program Nodal Officer Dr. Lalrothuama chuan Hepatitis natna awmzia sawi fiahin he natna umbo beihpui hi kum 2019-ah Mizoram bikah neih tan a nih thu a sawi a, Hepatitis natna chu awm hona satliah-ah a inkai chhawn theih loh thu leh a veite pawh thin hrik mai lova tanpui zawk an tul thu a sawi a, hepatitis natna neiten anmahni enkawltu doctor-te thu an awih that a ngai tih sawiin a enkawl dan pawh a veite'n natna an neih dan a zir a an thensawm thin thu a sawi bawk.

Civil Hospital Aizawl Senior Medical Superintendent Dr. Lalchhuankimi pawhin thusawiin hepatitis natna chu kum 2030-a umbo tum a nih thute, Hepatitis damdawi chu Mizoramah pawh District Hospital tinah a thlawn liau liaua a veite pek an nih thin thu te a sawi a, kum 2030-a khawvel huap a hepatitis umbo a nih theihna turin mi zawng zawng tawiawmna a pawimawh thu a sawi bawk.

World Hepatitis pual hian Civil Hospital Aizawl chuan vawiina damlo inentir te tan thingpui an buatsaih sak a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar puan leh a ni ang.



MISSION HEALTHY BHARAT

Ramchhunga mipuite hriselna kawnga hmalatu Tapsi Upadhaya chuan boruak hrisel a awm theih nan leh thing leh mau humhalh kawnga mipuite zirtirna beihpui thlakin Mizoram hmun hrang hrang a tlawh.

Mission Healthy Bharat hotu Tapsi Upadhaya chuan vawiina Aizawl Press Club –a chanchinbumite a kawmna ah India mipuite hriselna tura hmalakna bakah mipuite zirtira, khawtlang hruaitute leh tlawmngai pawl nen tang ho a, boruak hrisel a awm theih nana theihtawpa tanrual puiah mipuite a sawm a, Mission Healthy Bharat hmalakna hnuaiah hian kilometre sing 8 sang 8 lirthei hmanga tlan chuak tawhin state hrang hrang a fang kual tawh a ni.

Byte...Tapsi Upadhaya

Kum 27 mi Tapsi Upadhaya hian Mamit District hmun hrang hrang tlawh tawhin Aizawl-a college thenkhatah hun hman a tum a, Aizawla hun a hman zawh hian Kolasib panin hemi hnu hian Manipur tlawh a tum a ni.



MNF LAWNGTLAI

LADC-a MDC Pu C. Lalsawmzuala’n Mizoram sawrkarin Fur khat daih pawha kawngpui siam theilo Mizoram sawrkar an hrawn mek chu vanduaithlak antih thu sawiin hnamdang driver nena inbei tawk sawrkar an nei chu pawl antih thu a sawi.

Vawiina Mizo Hnam Run Lawngtlaia party chhung inkhawmah he thu hi sawiin Pu Sawma chuan Mizoram sawrkarin kawng siam na tur tiin mipuiaah tam tham tak chhiah an khawn a ti a, mipui an beidawng takzet tih sawiin ZPM sawrkar chu anmahni inhai vur bak an ngaihtuah tawhlo a ti a, Mizoram hmangaihlo sawrkar an nei chu vanduai thlak a tih thu sawi.

Pu Sawma chuan LADC inthlan kumin kumtawpa lo awm turah mipuiten kalphung dik zawk an zawh theih nan mipuite inlungual a pawimawh a ti a, kalphung dik zawh tura ke pena hmalam pan theuh turin mitinte a sawm a, inkhawmah hian MNF Party zawm thar a lawm lut bawk a ni.

